

11679

8



新鐫旁批詳註總斷廣名將譜卷之十九



古閩黃道周石齋父註斷



姚廣孝

姚廣孝長洲人。少祝髮為僧。名道衍。字斯道。已又不學佛。而好讀兵書。曾遇異人授占術。輒為人決休咎。洪武中高皇帝分封十子。成祖封燕王。道衍乘間請謁。曰：大王骨相非常。英武冠世。今皇圖草昧。東宮仁柔。願厚自愛。大王試乞臣府中。當奉一白帽與王戴。

便已看定

蓋王上如白其文皇也。成祖已稔知道衍亦欲得道。衍會高皇后崩。帝命王與一名僧誦經念佛修齋。成祖遂乘機請道衍去。後高皇帝崩。建文卽位。齊黃用事。逼執伊周齊谷。削爵爲庶人。湘獻王自燒死。事且至。燕燕王懼甚。因憶道衍言而召之入。卜道衍遂借卜而說燕王曰。主上猜間宗室。侵漁齊籓。所戮辱囚首隸士伍者。蓋五王矣。大王先帝所最愛也。且又仁明。英武得士衆心。主上所最忌也。夫燕勝國之遺而北方雄鎮也。其民習弓馬。地饒棗栗。若悉雄薊屬郡。

之材官良家子。穀甲可三十萬。粟支十年。大王之護衛精兵。投石超距者。又不一二萬。鼓行定山東。略河南。此勢若建瓴而下。誰能抗禦。大王若不南。然機已發。欲高卧得耶。且暮匹夫耳。臣竊謂大王卜之心。與臣卜無異也。燕王初猶拒之。及朝廷責燕益急。燕王遂召道衍入。便殿密議。或歎息泣下。道衍曰。天之所興。誰能廢之。燕王因問師期。道衍曰。未也。俟吾助者至。又問助者何人。曰。吾師又數日。乃請曰。可矣。燕王遂謀召張昺。謝貴等。宴設伏斬之。遣張玉。朱能攻

克九門出祭纛見披髮而旌旗者蔽天燕王問道衍
 曰何神道衍曰嚮固言之吾師北方之將玄武也燕
 王因披髮仗劍應之兵初起暴風雨燕王不悅道衍
 曰飛龍在天從以風雨元吉也燕王師行後道衍及
 郭資等奉獻陵居守日夜備禦南兵至攻城設伏截
 其後城上呼噪伏發急開門夾擊大敗南兵去又夜
 縋死士下城劫南兵或遣數十人遠伏草莽間夜舉
 火鳴砲驚南兵不得休息輒出精兵奮擊敗之盡焚
 九門諸柵寨燕王軍中有聞見異事及兵進止輒絨

書飛騎問師師盡條荅附去並中機宜靖難後立為
 左善世復姚姓賜名廣孝立東宮陞太子少師帝令
 蓄髮再三終不肯嘗賜兩宮人逾月不近亦不辭帝
 乃召還未樂十六年來朝北京寓慶壽寺病車駕直
 臨視卒贈少師榮國公謚恭靖

斷曰

姚師廣孝人中之_神雖云祝髮借佛論兵高帝十
 子燕具龍形一眼_神定故請從行先奉白帽後卜
 言情既知心動方_神奏明激之兵起促之進征不

廣名將譜 卷之十一
出所筭帝業果成一加少師亦是虛名大都應運
自是天生

劉江

劉江宿遷人從靖難兵興適遼東時守將楊文引兵
圍未平略薊州遵化諸郡縣帝急遣兵率衆趨未平
因謂之曰爾至未平敵必遁歸山海勿追之第聲言
還北平必復來侵爾速出擊之必大獲是以利而江如言果敗
東兵于昌黎斬首數千級建文三年七月平安自真
定率兵攻北平營于平村離城五十里擾其耕牧世

子督衆固守帝聞北平被圍召江問策江慷慨請行
因與帝約曰臣至北平以砲響爲號一次砲響則決
圍二次砲響則進城若不聞第三次砲響則臣戰死
矣臣若入城中既聞救至則守城軍士勇氣自倍則
令軍士人帶十砲俟三次砲響之後爲燬者放砲常
不絕聲則遠近皆謂大軍至平安必駭散矣江遂進
兵與安戰悉如其策乃大敗之未樂十七年江爲左
都督鎮守遼東巡視諸島相度地形以全州衛金線
島之望海塢地高可望諸島寇所必由實濱海襟喉

之地請築城堡立烟墩瞭望一日瞭者曰東南夜舉
火有光江計寇將至亟遣馬步官軍赴塢上小堡請
之令犒師秣馬略不爲意以都指揮徐剛伏兵于山
下百戶姜隆帥壯士潛燒賊船截其歸路乃與之約
曰旗舉砲鳴伏兵奮擊不用命者以軍法從事翌日
倭賊二千餘人乘海鱸直逼塢下登岸魚貫而行如
入無人之境江披髮舉旗鳴砲伏兵盡起爲兩翼而
進賊大敗橫屍草莽餘衆奔櫻桃塢堡中官軍環而
攻之將士欲入堡勦殺而江不許故開西壁以縱之

仍分兩翼夾擊生擒數百斬首千餘級有脫去入鱗
者盡爲隆所縛無一人得免師還諸將請曰明公見
敵意思安爾惟飽士馬及臨陣披髮而戰追賊入堡
不殺而縱走之何也江曰窮寇遠來必饑且勞我以
逸待勞以飽待饑固兵家治力之法耳賊始魚貫而
來成長蛇陣形故披髮作真武勢以鎮服之雖愚士
卒之耳目亦可借以壯氣賊既入堡有死而已我師
攻之彼必死鬪我兵寧無傷乎故縱之出路而後掩
擊之卽圍師必缺之意耳此皆兵法諸君未察也捷

深明兵法之論

善全軍處

廣名將誌 卷之十九
聞進封廣寧伯。先是倭寇出沒海上，燔民居，掠貨財，殺擄人口。凡沿邊無歲不受其害，及爲江所挫，寇患屏息者數十年。及卒，人思慕之，謚忠武。

斷曰

大將劉江從燕靖難，師圍北平，馳救不憚，約砲三聲，圍兵解散，進戰勝之。果如其筭，倭犯海城，先已瞭探，伏兵待來，潛師截斷，倭賊二千被誅，大半餘逃櫻園，轉逼其窠，細論兵機，一一合案，爲將若斯，一時獨冠。

王驥

王驥字尚德，東鹿人。永樂四年成進士，爲人剛毅，有膽曉暢，戎機嘗奉命山西，奏蠲鹽池逋課二十餘萬。人皆德之。滿九載，進兵部尚書。時西兵阿台、朵兒只伯數侵盜甘涼諸邊，掠殺吏人，總兵任禮、蔣貴等勢敵不相下，狐疑莫發。於是驥輟部務，行邊奉詔一切便宜行事。時都指揮安敬爲偏將，驥而怯，都督蔣貴、都御史曹翼追兵至魚海子，已將及之，而安敬謂前途無水草，不可進，遂引還。驥察知而故秘之，旣至而

大會諸將方就坐忽揖敬下曰兵貴進獲汝奈何還
撓誤大事遂命斬敬復謂貴曰公亦當死今且責狀
以報於是諸將士股慄莫敢仰視驥乃請分兵畫地
各自鎮守約以賊小至則各自戰守大至則併力拒
敵軍勢遂大振尋又詔驥進討阿台朶兒只伯驥謀
知敵營狼山等處乃選精騎授蔣貴使爲前鋒任禮
爲將軍以大軍繼之且與貴約曰勉旃不能成功無
相見也貴感奮直前搏敵敗之敵渡黃河遁去貴等
又追敗之於名城獲金銀璽印各一駝馬兵甲以千

計朶兒只伯與阿台以數騎遁尋暍死而任禮兵亦
至又共窮追五百餘里至黑泉降其部落數十帳而
還捷聞各加爵賞尋詔驥還理部事既而麓川宣慰
司思任發叛雲南總兵沐晟數討不利遂至憂死而
刑臣何文淵援舜舞干羽格苗事請使使撫諭驥因
議以天下全盛而示弱于舊屬小夷非策時中貴王
振方柄國喜功名遂繼文淵說而命蔣貴爲平蠻將
軍驥總督軍務大發諸鎮兵合十五萬討之驥馳傳
至雲南奏上方略請遣冉保等由東路直取孟定而

見○解○俱○臻○上○乘○

大軍由中路至騰衝與保會俾賊腹背受敵從之驥
等抵金齒其別酋陶孟刀門捧以鎮康降遣冉保等
率輕兵五千受之因其衆破昔刺寨進攻孟通而驥
等以兵二萬水陸攻上江敗其伏兵遂進圍上江寨
副總兵劉聚等兵亦至因風焚其排柵遂大破之殺
其將刁放戛刁招漢父子及虜刁門瑱斬馘五萬餘
級上江平又由夾象石渡下江直抵木籠山連破其
七寨又破其象陣進圍麓川縱火焚其門俘斬及溺
者數萬人思任發夜携其二子走孟養驥以大捷聞

發火有時

會維摩州賊韋郎羅自稱廣新王以叛因詔驥旋師
討之驥曰此不足血吾刃也乃遣偏師壓其境曰王
尚書大兵至矣賊大潰韋郎羅走安南傳檄捕之安

非○乎○日○威○名○何○以○得○此

南王懼斬其首來獻師旋上遣大臣迎勞之既入見
慰勞有加後思任發子思機發復反孟養驥又督諸
軍討之師抵金沙江賊柵西岸以拒驥造浮梁渡兵
攻破之乘勝追至孟養賊斂衆拒險為寨我師皆攻
破之斬獲無算思機發竟失所在孟養在金沙江西
去麓川千里諸酋皆驚曰自古漢人無渡金沙江者

今王師至此。真天威也。驥威名雖甚著。然卒不能得其渠魁。天順四年卒。贈靖遠侯。謚忠敬。

斷曰

尚書王驥奉詔行邊。指揮安敬。驥怯斬焉。軍勢大振。莫不爭先。謀敵犯境。蔣貴檄前任禮。繼後勗其。勉旃若功。不立相見。無年衆力。感奮一戰。赫然黃河。敵遁。追至黑泉。俘以千計。斬獲十全。捷聞還部。再討麓川。東西乘隙。腹背搗堅。破其七砦。俘溺萬千。任發機發。敗逃。若烟。渠魁雖失。天威大宣。文臣

出討殊足稱賢

于謙

于謙字廷益。杭州人也。七歲時。蘭古春善相。見而大奇之。曰。此兒異日救時宰相也。十六補邑諸生。時按察僉事行學。督諸生過峻。爭噪而犄之。方詎攘間。僉事忽墮泮宮池。諸生皆驚走。謙獨前掖之。起僉事。怒乃欲以罪歸謙。謙徐對曰。噪公者走。不噪公者留。此易曉也。今不罪噪公者。猶可。而因以罪援公者。其謂何。僉事慚而止。而謙由此顯名。年二十三。成化末。樂十

便見才情權變

九年進士。拜監察御史。風骨秀峻。吐音鴻。每奏對。上必爲之傾聽。按江西。辨誣獄。寃死者出數百人。後議增補各部右侍郎。上手書謙姓名。下吏部。遂超拜兵部右侍郎。時年僅三十三。嘗輕騎自河內。歷太行。而盜有窺者。謙厲聲叱之。皆大驚散。走曰。不知爲我公也。當入朝議事。人謂卽不橐金。以往豈無一二土物充交際耶。謙笑而兩舉其袖曰。吾惟有清風而已。時中貴王振勢張甚。以謙無私。謁。謙之。勸人廷劾。謙下法司論斬繫。三月。振悔無謂。乃托詞曰。吾嘗見一

恢講亦見權宜

故御史名若干謙者。恣甚。欲治。今乃非此。于謙耶。赦之。未幾。仍復兵部右侍郎。正統十四年秋。敵也先入寇。時王振喜功。遂挾上下詔。親征。謙與尚書鄜堃上言也。先醜豎子耳。諸邊將士足以制之。陛下爲宗廟社稷主。奈何不自重。奉以與犬羊角乎。上不聽。堃乃從治兵。而留謙治部事。車駕至土木。蒙塵。報至京師。大震。時皇太子冲幼。不能監國。太后乃命郕王攝政。王御左順門。時中外臣咸恨振。而欲食其肉。請用反法。罪其家。奏未竟。而振黨錦衣指揮馬順。遂妄傳王

旨欲叱衆退。給事中王竑起而直前擒順曰：此翼虎者也。今日猶敢爾。衆臣爭捶之立死。又捶二閣之嘗私振者死。時衛卒聲洶洶。王懼欲退。諸大臣皆披靡。有趨匿者。謙獨直前掖王。具啓王下令捶順與二閣死者。義激無罪。復請皇太后降旨族振并籍馬順家。衆始退。郕王既卽位。以謙爲賢。進謙兵部尚書。內外倚之爲安。謙因慷慨泣奏曰：敵得志挾我大駕。勢必長驅而南。今軍實武庫俱盡矣。司馬宜急分道募兵。及留漕兵自益。司空宜蒐乘繕械。九門要地宜令都

督分守。凡兵皆出營郭外。毋令避而示弱。郭外之民皆徙入內安插。毋令失所。而囂通州倉諒不能守。委以與敵。則非筭宜。令官軍皆豫給一歲祿俸。聽其自運。敵所急者草。諸厰所積宜聽軍稱力取之。不盡則焚之。毋以飽敵。馬石亨楊洪材勇可用。請赦之。與安遠侯柳溥爲大帥。而身總其機。宜進止不效。則治臣之罪。以謝天下。上皆嘉納之。旣而敵信益急。侍講徐理好言天象。力言紫薇中宮俱有變。必反故都。而後吉。而二三大臣復依違其間。縉紳士人又多遣其私

歸謙乃慟哭廷諍曰京師天下之本宗廟社稷山陵○火○不○南○遷○國○是○始○定○在此百官萬姓帑藏庾廩萃此此而不守去欲安之今日足一動明日大事去矣宋之南渡非前鑒乎且敵乘勝而驕實不足畏上聞之稱善遂一聽其處分十月也先以送太上皇還京為名入寇紫荆直窺京師石亨欲閉九門自守謙曰是示弱也乃躬擐甲胄以大義泣諭六軍由是人人感情及也先逼城謙與石亨設伏敗之又諜知上皇駕遠夜復以火炮擊其營死者甚衆也先大沮衆請進擊謙曰勝不足以削

恥萬一不捷所損實多况上皇在其中不可不慎因請大書聖旨榜文潛遣敵營諭回達奚漢有能擒斬也先來獻者賞萬金封國公以疑其心敵知有備又城外無所掠遂引去論功加少保總督軍務大同叅將乞與之和事下兵部謙力言其不可曰中國與敵有不共戴天之仇和則背君父而忘大義於理不可和又敵貪而多詐和議行而有無厭之求從則坐斃違之則生變於勢不可和苟以強敵難制姑和以緩其兵則宋澶淵盟後國勢陵夷無救于敗則和議之

廣名米詩
不足明矣。今惟選將練兵，養威蓄銳，賊侵則相機而
勦，殺賊遁亦不貪利而窮追可也。若遣使求和，則示
敵以弱而啓輕侮之心，萬萬不可。上嘉納之。謙又言
也。先屯聚敵衆，迫我邊疆，若不豫爲設法，選練則軍
不識將意，將不識軍情，必不能爲用。請選馬步軍一
十五萬，分爲十營，俱聽臣往來提督。如有聲息，互相
策應，征勦臨敵，必能成功。詔曰：可。團營之設，自此始。
大監喜寧故俘敵也，下蚕室。人中貴，上木敗，因降也。
先遂以中國虛實告之，而凡敵之入寇，皆喜爲鄉導。

謙因言不早除喜寧，敵知我險易虛實，定反覆不可
禦。因密以計授楊俊擒喜寧，誅之。此後也。先方悔禍，
奉上皇還京師。初，永樂間，韃敵來降者多，安置于河
間、東昌等處，生養蕃息，驕悍不馴，當也。先入寇之際，
皆乘機騷動，幾至不可收拾。會發兵征湖廣、貴州，苗
寇謙奏遣其有名號者，厚與賞犒，隨軍進征。及事平，
遂請留于彼數十年，積惡一日，潛消。識者稱快。貴州
苗寇久不平，侍郎何文淵欲請罷二司，專設都司，而
以大將鎮之。謙曰：不設二司，是夷之也。夷之何以通

○安○插○得○宜○

滇○燹○道○且○無○故○而○棄○祖○宗○所○設○地○不○祥○事○遂○寢○當○是
時○浙○閩○則○有○鄧○茂○七○葉○宗○留○廣○則○有○黃○蕭○養○又○有○獐
獐○苗○獠○處○處○蜂○起○前○後○命○將○將○兵○皆○出○謙○意○號○令○明
審○動○合○機○宜○故○天○下○咸○服○太○上○既○歸○上○奉○之○南○城○又
欲○易○皇○太○子○謙○以○非○所○職○不○敢○爭○七○年○上○不○豫○石○亨
與○中○貴○人○曹○吉○祥○等○奪○南○城○門○迎○太○上○皇○復○辟○自○以
爲○功○因○喉○言○官○劾○謙○盜○金○符○迎○立○襄○王○爲○帝○坐○以○謀
反○極○刑○鍛○鍊○然○無○顯○跡○可○據○謙○笑○曰○亨○等○意○欲○死○我
辨○之○何○益○既○奏○上○帝○猶○豫○曰○于○謙○實○有○功○若○何○時○徐

理○改○名○有○貞○而○與○亨○比○因○前○口○不○戮○謙○此○舉○爲○無○名
謙○遂○論○棄○市○籍○其○家○自○上○賜○外○無○長○物○謙○死○之○日○陰
霾○翳○天○行○路○嗟○嘆○吉○祥○麾○下○有○達○官○朶○耳○者○以○一○觴
酌○地○而○慟○吉○祥○恚○朴○之○明○日○復○酌○慟○如○故○未○幾○西○北
邊○報○甚○急○上○憂○之○恭○順○侯○吳○瑾○侍○進○曰○于○謙○若○在○不
令○敵○若○此○上○爲○之○默○然○既○而○徐○有○貞○下○獄○流○金○齒○亨
下○獄○庾○死○曹○吉○祥○族○成○化○二○年○謙○子○于○冕○上○疏○白○寃
上○憐○而○復○其○官○并○還○沒○產○賜○祭○有○云○當○國○家○之○多○難
保○社○稷○以○無○虞○惟○公○道○而○自○持○爲○權○奸○之○所○害○在○先

帝已知其枉而朕心實憐其忠天下誦而稱之弘治特贈太傅謚肅愍萬曆改忠肅

斷曰

于謙正臣大有權術出按江西辨明冤獄進謁權門清風拂拂土木蒙塵京師兀兀中外慌張群臣鵲突請立郕王江山手握選將留兵九門保室豫支飽兵焚芻馬黜城外立營不為少怵或請南遷謙力衆拂幸帝察忠計聽謙出借送上皇來如無物遇伏敗歸方驚有律鎮定大功實實難沒但惜

南城於禮稍失君死臣誅事亦非屈

郭登

郭登字元登英之諸孫也末樂中充勳衛正統七年從王驥征麓川有功九年從沐斌征騰衝有功陞都指揮僉事十四年敵入塞急進都督僉事守大同會上親征全軍覆沒倉卒議班師登告學士曹鶴曰駕宜從紫荊關入乃忽東折向居庸關纔四十里敵突至上遂北狩是時大同堡塢蕭條城門晝閉人心洶洶登雖處危疑而氣益壯慷慨自奮修城繕兵拊循

士卒衆皆感奮。八月，敵擁上皇至城下，索金帛。詐言有議不為敵所愚却志日後之責歸駕，登閉門不納。上皇曰：朕與登有姻，何外朕若此？登遣人奏曰：臣奉朝廷命守城，不敢擅啓閉。竟不出。霍瑄等出見，獻上皇金幣及約賄，往敵笑不應。竟擁駕去。十月，敵以和為名，入犯京師。登欲帥所部兵，并糾集忠義從雁門入援。先以蠟書馳奏，請悉起各處官軍民壯入護闕庭。京兵擊于內，臣兵擊于外，使彼腹背受敵，首尾不救。奏至，敵已退。優詔褒荅。時論壯之。十二月，敵欲復犯京師，登以京兵新選，不可輕發。

又上疏曰：今日之計，可以養銳，不可浪戰。可以闢智，不可鬪勇。其涑水、易州、真定、保定一帶，皆堅壁清野。京兵分據犄角，安營以逸待勞，以主待客，勿求僥倖。務在萬全。此謂不戰而屈人之兵，善之善者也。景泰元年，謀報敵入朔州。敵自屢勝以來，出入自由，竟莫與拒。登不勝忿，晝夜激勵將士，定為賞期，必殺敵而後已。及是得報，遂率兵躡之。行七十里，至水頭。日暮，休兵。夜二鼓，報云二十里東西沙窩敵營十二，皆自朔州搶掠而回者。登召將士問計，皆言彼衆我寡，莫

若全軍而返。登曰：我兵去城已百里，若一退避，人馬疲倦，彼以鐵騎來追，雖欲自全，得乎？因即按劍曰：敢言退者，斬徑薄敵營。天漸明，敵以數百騎迎戰。登奮勇先進，諸軍繼之，呼聲震山谷，遂大破之。追奔四十餘里，斬敵首二百餘級，奪回人馬器械以萬計。時登○是○能○以○少○擊○衆○僅入百騎，破敵數千，為一時戰功第一。賜勅褒美，進封定襄伯，登為將，智勇善撫士卒，紀律嚴明，料敵制勝，動合機宜。初至大同，士可戰者不及數百，馬止百餘匹。不數年，馬至萬五千匹，精兵數萬人，與彼相拒。

大小數十戰，未嘗挫衄。嘗以已意設為攪地龍飛天

網等法，鑿為深塹，覆以土木，人馬通行如履實地。及

彼入圍中，令人發其機，自相擊撞，頃刻十餘里俱陷。

○設○險○亦○得○
○長○兵○莫○過○此○

又用砲石擊敵，一發五百餘步，人馬死者數十，敵相

傳以為神。上皇天順元年，謫戍甘州。初，上皇陷敵也，

先以復駕為名，逕逼京師。于謙使人謂之曰：賴宗廟

社稷之靈，中國已有君矣。及駕至大同，登言亦如之。

蓋權辭以沮狡寇之謀也。上皇啣之，故有是謫。未幾

召還，充團營總兵。八年卒，贈侯，謚忠武。

斷曰

郭登變後死守大同上皇擁至借道人攻守城爲重安敢妄通敵笑而去無以表忠晝夜激勵必刃敵宵忽報敵過緊躡其踪彼衆我寡或請避鋒登曰若避城遠誰容敵騎後蹙死不英雄何不血戰以成大功因而奮勇直撞橫衝斬獲無算敵寨一空捷奏天子褒美定封上皇復位謫去匆匆爲人臣子難保始終

韓雍

韓雍字永熙吳人也弱冠舉進士選授監察御史出巡江西衆猶謂雍年少未經事雍抵鎮振刷精彩經措宏大後先皆弗如也成化二年廣西徭酋侯大狗倡亂蔓延廣東高雷廉之境所至殘毀守臣不能制兵部尚書王竑薦雍智勇過人宜任討之遂擢爲僉都御史同將軍趙輔往討之兵至南京衆議欲分江西軍及達官從遊擊由庾嶺入廣東大軍則從湖廣入廣西以賊在廣東宜逐之在廣西宜困之也雍曰不然兵有聚而爲正亦有分而爲奇今廣西已無完

郡而大藤峽為賊巢穴不是之圖而趨其末則賊愈
 奔突汗漫郡縣愈殘毀是救火而噓之也未見其能
 濟苟全師至彼南可以攻大藤峽援高雷廉東可以
 應南詔西可以取柳慶北可以斷陽峒諸路譬如常
 山之蛇動無不應腹心既潰諸處之賊假息游魂耳
 何須逐乎且軍志曰兵貴神速不貴巧久又何泥于
 困乎將軍趙輔知雍才軍士一聽之雍于是督大兵
 兼程進擊直抵大藤峽道有儒生里老數百人跪持
 香曰我輩苦賊久矣今日幸遇天兵得生為良民願

先三軍鋒雍大怒顧左右叱曰此皆賊耳縛斬之左

右初猶疑既縛而袂中利刃出乃悉斷頭散手足剗

腸胃分挂箐棘中賊見而大驚沮曰韓公天威也遂

大破之前後斬獲四萬有奇進擣大藤峽覆其巢穴

其中盤亘數百里山澗險阻有崖名九層樓尤為斗

絕官軍直抵其上磨崖紀歲月而還復斬峽藤斷之

易名斷藤峽以志武功自是蠻夷畏懼兩廣寔安捷

聞上大嘉賞雍功即軍中拜左副都御史雍威嚴擬

王公盡法繩下不貸以故謗議遂起內臣黃沁忌公

縛束不得肆。喉人上書。誣公上遣使。即訊。雍引疾乞歸。卒年五十三。謚襄毅。

斷曰

韓公末熙。經措宏大。命征大藤。腹心直破。絕不分兵。小為之挫。趙輔主軍。甘心為佐。火速進兵。如風雨過。里老儒生。道迎而賀。雍曰。奸人縛誅。毋情搜証。藏鋒方知。不錯。斷首屠腸。懸林以播。賊見震驚。敗走無那。直覆其巢。紀功崖磨。自此夷蠻。強變為懦。遠近黎民。貼席而卧。功大忌多。讒人附和。引疾

乞歸苦辛誰課

馬文昇

馬文昇。字負圖。河南鈞州人。登景泰二年進士。歷官山西湖廣。所至發奸。摘伏。皆有神君之稱。成化四年。固原土夷滿四。據石城以叛。擢文昇巡撫陝西。與總督項忠帥兵討之。進至固原。賊據石城之險。先是官軍屢戰不利。忠督兵敗之。賊堅壁不出。文昇言于項忠曰。聞賊城中無水。芻粟亦漸乏。若絕其樵汲。則釜魚當自斃矣。忠以為然。令官軍堵室其水源。又掩捕

樵汲者詰之。乃知城中正艱于水。卒用坐困之策。擒四斬之。八年七月。北敵寇臨洮鞏昌。文昇遣兵敗之。追至黑水口。斬首數千級。擒其平章迭列孫命兼總制三邊。九月。敵復寇韋州。深入至好水川。文昇復縱兵破之。于湯羊嶺。敵敗走。盡棄輜重。俘斬二百餘級。因改其嶺爲得勝坡。勒石以紀。十四年。建州女直復叛。巡撫陳鉞欲誘殺進貢夷人。以掩已過。由是東夷譁懼爲亂。上命文昇撫勦。時汪直恃寵倖功。陰主鉞欲邀文昇偕行。文昇弗聽。疾馳至鎮。撫黑鎖忒等

二百餘人。比直至。敵已散矣。無所解。溪啣之。鉞行事乖方。每被文昇更置約束。不得逞。亦恨之。及直巡邊。鉞懼見罪。戎服遠迓。除道飾厨。供帳解備。賄托僂從。而文昇獨與直抗禮。奴視其左右。左右多譽鉞而詆文昇。鉞復乘間毀之。直還奏文昇妄啟邊釁。女直建州諸敵皆以文昇禁不與農器。故屢寇塞。文昇遂下獄。謫戍。然所禁乃鉄器。非農器也。士論惜之。已而直敗。鉞亦敗。文昇得雪。復官。左副都御史。巡撫遼東。士卒聞文昇復至。皆鼓掌喧舞。蓋文昇至是。凡三度遼。

矣○多○有○惠○政○故○東○人○至○今○思○之○旋○入○為○兵○部○尚○書○會
 貴○州○都○勻○苗○叛○守○臣○請○合○三○鎮○兵○討○之○文○昇○念○天○下
 方○困○于○兵○以○為○不○可○惟○遣○官○勘○處○卒○無○他○也○未○幾○敵
 小○王○子○以○數○萬○騎○駐○大○同○邊○外○勢○洶○洶○屬○文○昇○有○小
 疾○上○使○中○貴○人○挾○醫○視○文○昇○疾○賜○上○尊○餽○饋○因○問○計
 文○昇○謂○此○敵○方○敗○于○他○部○勢○已○絀○無○能○為○也○請○密○為
 之○備○而○揚○聲○逼○之○敵○果○徙○去○安○南○侵○奪○占○城○五○州○地
 占○城○請○命○官○往○問○其○罪○文○昇○上○言○春○秋○王○者○不○治○夷
 狄○今○安○南○負○固○多○年○若○遣○官○往○至○其○國○以○掉○口○舌○小

此○良○將○不○肯○輕○用○兵○處

必○文○過○飾○非○大○或○執○迷○玩○命○若○置○而○不○問○損○威○已○多

不○與○兵○增○國○家○多

若○問○罪○興○師○貽○害○尤○大○非○計○也○會○二○國○各○入○貢○仍○請

少○元○氣

面○折○諸○廷○安○南○詞○服○因○諭○以○恩○威○禍○福○厚○賜○之○歸○令

還○占○城○侵○地○竟○不○煩○兵○而○解○廣○西○二○守○岑○欽○與○侄○溥

相○仇○殺○巡○撫○欲○討○之○文○昇○不○許○第○令○膽○書○戒○飾○已○皆

悔○悟○納○款○請○死○弘○治○七○年○議○絕○土○魯○番○而○復○哈○密○先

是○哈○密○在○肅○州○西○北○千○五○百○里○本○韃○靼○回○回○雜○處○之

國○也○永○樂○初○設○其○地○為○哈○密○衛○封○元○肅○王○之○裔○脫○脫

為○忠○順○王○賜○金○印○城○哈○密○居○之○令○為○西○域○之○襟○喉○以

迫諸番之朝貢位雖高而兵最弱忠順王死無子王母理國事憲宗朝土魯番鎖檀阿力王恃強擄王母及金印而去國人驚散已而王母死鎖檀阿力亦死子阿黑麻嗣位甘肅守臣請乘間以王母甥早慎襲封爲王遣兵送入哈密阿黑麻謂早慎非脫脫之貴族佯與結親而誘執之至孝宗朝而阿黑麻以金印城池來歸文昇謂哈密三夷種共居一城早慎非貴族故衆不服必得元之遺裔方能興復哈密因訪得王姪陝巴襲封忠順王主國事未幾阿黑麻復擄陝

巴及金印去報至朝廷遣兵部侍郎張海德經畧之遂修嘉峪關捕哈密黜詐回回通黑里麻教令反覆爲奸者二十餘人發戍廣西文昇曰此敵旣遣使入貢復擄陝巴金印其心輕中國不大創之不戢請閑嘉峪關絕諸番貢令西域歸怨阿黑麻以携其黨上從之阿黑麻緣此益驕橫詐稱以萬人入寇甘肅報至朝議頗駭文昇曰吐魯番至哈密十數程哈密至苦谿又數程路乏水草聞夷使入貢多帶水行今若遠來肅州有備彼豈得全歸哉料不能至特以虛聲

廣名錄 卷之十九
恐我耳已而果不至八年阿黑麻復令酋目牙木蘭率番夷三百騎入據哈密文昇亦奏請執阿黑麻之貢使四十餘人流闕廣而薦都御史許進率副將彭清選番漢兵倍道而至夜登城破之斬級六十降自保者八百人牙木蘭以千里馬走報阿黑麻阿黑麻方與赤斤蒙古衛相仇殺不能大發兵僅使別將將輕騎五百圖復哈密復爲赤斤衛兵所檄殺乃遣使上書謝罪請歸陝巴及金印於是文昇亦奏還其貢使酬以少金帛而哈密復後轉吏部文功不述至正

德元年致仕卒贈太傅謚端肅文昇立朝五十餘年以身殉國不避艱險凡有大議衆莫能決者文昇至一言而決至于值事變臨利害屹然如山不可搖奪

斷曰

文昇馬撫巡按山西固原土賊據險吼嘶官軍屢敗項忠督提馬諭無戰城乏水隄斷其樵汲釜魚自携項忠從信擒四燃臍敵寇臨鞏遣將削泥再入好水戰獲其輜女直復叛陳鉞敗栖欲殺貢敵以掩已非貢敵譁懼亂震鼓鼙文昇往諭解散不

疑內臣汪直借此出師及至邊境無敵非擠懷恨
馬撫下獄奏題至於直敗位方復躋不戰而撫中
安外齊即至大創必勢所宜所以立朝高風莫梯

王信

王信字君實南鄭人成化初以指揮守荆襄時石和
尚劉千金反信進據房陸民兵不滿千人賊四千餘
衆突至圍之主帥逗遛不援信乃多張旗幟舉火晝
夜不息歷四旬餘間以死士出城五六里舉火鳴砲
賊以為援兵至驚走有功陞都指揮同知已而移鎮

湖廣條陳八事曰繕城隍廣儲蓄省徭役立賞罰選
能官禁窩戶繕將才慎守備又條上四事曰慎專任
以利民情定倉庫以備兵荒修兵衛以圖無患禁刑
罰以省財用未幾信又上言湘廣蠻夷雖曰腹心之
蠹無能為也但我軍奸黠之徒利其竊發可以邀功
今但選精銳常加隄防勿蹈前非其患自息荆襄流
逋本為逃避徭役今長老子孫已成家業濫加誅殺
非惟死及無辜恐傷和氣南畝之農無所蓄積斂獲
未竟餓殍已空機杆纒停布縷何在求免饑寒不可

廣名將誌

卷之十九

五

得矣。乞選良守。今大加存恤。濫陞官員。無慮千百。無一矢之勞。冒崇階之賞。乞查勘。削奪三司方面。所以折衝禦侮。承宣激揚者也。當公以格物廉以律已。端本澄源。則在朝廷而已。憲宗下其章。飭勵衆職。時未順保靖二夷。世相仇殺。信諭以威福。遂兩解不爲亂。靖州及武岡蠻久不靖。守臣議勦之。信巡邊面諭之。竟不煩兵而下。召諸苗獠以牛酒。且詰其順逆之故。皆稽首曰。累歲苦揮使徵索。故作亂。今將軍待我如此。願爲屬役。何敢反耶。因爲信舉肩輿以表敬。信歷鎮大邦。不營私產。平居默坐。展玩經史。經三十年。筭無華衣。厩無肥馬。鈴閣之下。寂無人聲。子繼善從善。皆舉進士有名。

斷曰

王信指揮荆襄協守。和尚千斤雙攻。趕趕主帥。逗遛兵不湊手。晝夜戒嚴。圍之既久。突開城門。火揚砲吼。賊疑援來。驚張奔走。乘勝追亡。功堪不朽。移鎮上言。參無酌有大合兵機。一言不苟。上下其章。申飭儕偶。蠻夷解仇。爲之和剖。屢征未降。面諭稽

首竟不煩兵。但犒牛酒。小用大才。功名山斗。

張輔

張輔。玉之子。以靖難功。封信安伯。又以父功。進新城侯。永樂四年。副朱能討交趾。由廣西思明府。憑祥州。入龍州。能疾留龍州。輔率衆度坡壘關。入安南境。進至北江府。新福縣。駐營。時賊恃東西都。及宣江。姚江。沱江。富良江。以爲固。緣江北岸。樹柵於多邦。隘築土城。柵相連。亘九百餘里。盡發江北諸郡兵守之。又於富良江南岸。列置木椿。盡取國中船艦。列于椿內。

諸江口。俱下桿木。以防攻擊。賊之東都守備。亦嚴。時列象陣于城柵內。路守隘。以老我師。適西平侯沐晟。以雲南兵與輔大軍合。輔遂自三帶州。招市江。造舟而進。晟軍至洸江北岸。與多邦城對壘。而輔率大軍營於城北之沙灘。與晟合勢。賊新築土城。高峻。城下設重濠。濠密置竹刺。濠外坎地。以陷人馬。輔下令曰。交○入○難○善○守○其○如○善○場○勢○大○集○際○何賊所恃者。此城立功在此。一舉期夜襲城。以舉火鳴角爲號。是夜四鼓。都督黃中。啣枚昇攻具。越重濠。薄城下。以雲梯附城。牙將蔡福先登。諸將士繼之。火炬

齊明銅角競響賊倉皇驚散遂入城賊復巷戰列象
 為陣輔命畫獅蒙馬神鏡翼之象見者股慄又為鏡
 矢所傷皆退奔官軍追斬無數西都聞之亦焚宮室
 倉庫逃入海輔追至富良江賊欲立柵相拒是乘輔乘柵
 未備躬率將士力戰復大破之分道窮追舟師追至
 海門涇鵲淺時久晴水涸賊棄舟遁俄而大雨水漲
 數尺我舟畢渡衆喜曰天助我滅賊也益追之遂生
 擒黎季犛及其子澄滄等交南悉平因設都布按三
 司以撫輯兵民捷聞進封英國公未幾交賊簡定反

輔討之獲簡定還京八年交賊陳季擴又反輔又出

討之賊走追至愛子江登岸賊設象伏以俟官軍輔

偵知之戒先驅曰群象來衝再破象兵不獨成法一矢落象奴再矢披其

象鼻象奔還自相蹂踐大軍乘之賊大敗遂擒季擴

餘黨悉降交趾復平宣德元年漢王高煦反遣人密

約輔為內應輔即縛其人白於宣宗擒之二年交賊

黎利猖獗遣人進前安南國王三世孫暲表乞立為

陳氏後上以示輔輔曰不可從征將士勞苦數年乃

始得之此表出黎利之誦無疑當益兵誅之上不從遂使

遂復交趾十州郡士民復淪異域借哉正統十四年從駕親征王師敗績輔死于
土木追封定興王謚忠烈

斷曰

張輔封侯命討交趾交賊隄防亘九百里既下椿
桿又刺濠底輔但令攻一切不理雲梯附城火炬
齊起乘賊驚慌遂入城裏列象拒人畫獅驚靡銃
矢再加半逃半死生擒季犛捷聞賜璽再反再平
功已足紀請立陳孫聖心稱美遂令大功不全終
始土木從亡臣節盡矣

新鐫旁批詳註總斷廣名將譜卷之二十

古閩黃道周石齋文註斷

羅通

羅通字學古吉水人也年二十四舉進士授監察御
史會交趾平夷獠新附中朝士憚往上詔御史予三
級知交趾諸州通得清化既至黎利叛來攻清化通
屢擊却之而成山侯王通擅與利媾棄交趾拔吏士
歸檄至通怒髮上指謂都指揮曰王通不奉上命喪

地辱國此城羅生死所耳都指揮曰如教於是獨不

與黎利清化利大發兵八萬晝夜來攻圍通死戰大

敗之踰年詔使至知成山侯語乃全吏士歸帝怒收

成山侯下獄論死贖為庶人其餘非罷即謫而獨引

見通改戶部員外郎睿皇帝北陷口詔舉將略有以

通應者遂擢為副都命守居庸是歲十月也先脫脫

不花擁三萬騎逼居庸甚急通飭將士冒矢石固守

不下而宣府叅將楊俊者以精騎入衛京師道關欲

入通仗劍厲聲曰若欲保京師耶保京師保居庸足

矣○制○敵下今有一人一馬南渡者斬以徇乃止○會○天○大○寒

令老弱汲水灌城水堅滑不可破七日敵退趨紫荆

通選兵追敗之逐出長安嶺中外始定捷聞加太子

少保賜璽書慰獎通數上書論兵事與于謙不合乞

病歸卒

斷曰

羅通豪守禦屹然清化一怒生死不遷居庸仗

劍誰敢言旋灌城汲水敵退城全不獨忠勇才實

大焉捷聞帝喜宮保加銜始知節烈臨事愈堅

項忠

項忠字蓋臣嘉興人也。正統七年進士。成化四年固
 原土達滿四叛。據石城。遠近戒嚴。勅忠往討。時伏羗
 伯毛忠戰死。我兵遽退。忠示威即戰。斬指揮以徇。陣始定。
 聞賊城中乏水草。因移兵據賊水草。以困之。與賊相
 持百日。賊急。忠乃隨二卒。單騎抵賊寨。曉以禍福。諸
 脅從賊。因相率來降。賊愛將楊虎。忽被擒。忠叱令
 斫頭來。虎貍伏地乞宥。死。自效。忠即假以詞色。許令
 立功。解金鈎束。賜虎。貍遣去。故滿四竟為虎。貍所誘。
以恩結其心
是以此賊攻賊之法

擒儿斬首七千六百。俘獲以無算。六年大旱。荆襄流民
 咸遁入山。李鬍子劉千斤之黨。因倡為亂。復勅忠總
 督討之。忠因遣人持榜諭降。負險不服。縱兵擒勦。不
 赦。凡遣還鄉者四十餘萬。編戍者萬餘。俘斬二千八
 年。又討平野王剛。小王洪。召還院荆襄。以忠處置得
 宜。三十餘年。賊不復起。而議者猶指忠妄殺。致于天
 和交章論奏。忠疏辨乞開。上俱不聽。

斷曰

為將用兵。要有機巧。滿賊石城。詔忠往討。忠不戰

爭但據水草困久賊窮禍福親曉降待以恩擒許
自保所以虎豹誘滿以徼賊亂荆襄忠復秉旄先
以申令不遽兵擾意在招降負險方勦由此全多
誅戮甚少三十餘年地方靜好議者猶言妄殺如
草深怪廷臣如此顛倒

陶魯

陶魯字自強鬱林人也父成爲按察副使從擊賊兵
敗死之上旌死事者贈官錄一子入冑監魯補焉二
十授廣東新會丞魯機明內蘊而神觀不足或從令

尉列見上官獨昏睡雖督榜不恤也大藤峽諸賊亂
兩廣都御史韓雍總師討之檄魯隸麾下雍威嚴擬
王者二司長吏見皆長跪白事惛悚若不自勝一日
雍顧峒賊最強險難下者方設策魯時直膳侍左右
請食雍謾曰我不時食丞揣我何意魯曰無非某賊
耶雍詫曰然丞旣知之能往否魯曰匪直能往攻之
易易耳雍怒曰賊銳甚又搯阻自衛非大兵不可入
部下文武數千百人熟視無可當吾寄者吾方欲身
往安得易且使若食粟能之耳蕞爾邑不能理乃言

擊賊若妄當答魯不拜謝復抗言曰夫賊難攻者非
 賊難也我難其攻賊者也謂魯能食粟不解擊賊者
 明公未悉魯也蔣琬龐統廢邑事後乃為蜀名臣公
 幸無棄魯使得畢技當悉縛諸醜以獻雍異之改容
 曰若所將幾何而辦魯曰三百人足矣雍曰何少也
 魯曰猶以為多兵貴精請任選擇雍曰任為之魯乃
 標式約曰有能身舉百鈞矢射二百步者來三軍十
 五萬人其比于式者得二百五十人曰未也請復下
 令募募數目足魯乃為別將日操練陣法推牛酒犒

甘○苦○共○之○士○爭○願○為○死○率○以○先○登○遂○大○破○賊○斬○首○無
一當百
 算○賊○穴○所○得○士○女○金○帛○悉○以○分○于○三○百○人○已○無○與○者
 衆○益○奮○雍○大○稱○賞○言○于○朝○累○功○進○同○知○肇○慶○府○事○至
 左○右○布○政○司○錄○其○後○為○錦○衣○千○戶○魯○前○後○任○廣○東○所
 殺○及○降○者○二○萬○七○千○餘○賊○聞○陶○家○軍○駭○慄○避○遁○不○及
 遇○卽○叩○首○乞○為○良○民○得○無○死○幸○甚○然○僅○三○百○人○耳○服
 其○心○累○用○不○躓○語○有○之○一○夫○決○萬○夫○避○况○三○百○人○乎

斷曰

陶魯內才外形憤憤雍討大藤正憂無對見魯侍

前因而戲謂食粟汝知討賊應愧魯曰不然人有
呆慧食粟不知討賊頗會蔣龐之流是其前輩雍
驚其言授以軍隊三百選鋒可進可退破賊須臾
決不反旆陶家軍名一時稱最方信用兵以精爲
貴

王越

王越字世昌大名之濬人也年二十六舉進士後以
總督視師延綏以輕騎襲破敵于崖窰川俘四十餘
人鹵首加百又破之黃草梁俘五人鹵首百二十人

進右都御史前是文臣視師多從大軍後出號令行
賞罰而已至越始多選驍勇跳盪武騎爲腹心將而
與敵搏始有戰矣或探敵累重而劫之或翦其零騎
用是得數成功名旣而諜知敵滿都魯字羅乂加思
蘭三自河套渡分寇西路而其妻子營于紅鹽池
乃率總兵許寧等以精騎五千襲之兩晝夜行三百
三十里至其地分兵千餘爲十伏以相救而身與寧
等分兩哨薄其營遂破之擒斬甚多獲輜不可勝計
焚其廬帳而還時滿都魯等行剽至韋州頗有所獲

而遇諸鎮兵邀敗之斬首敵一百四十九奪其鹵男婦二千馬騾牛羊十三萬敵既失利歸而廬帳妻子畜產又皆蕩盡乃相顧慟哭遠徙不敢復居河套故地捷聞再賜璽書褒諭俄召還京既而敵口西犯邊時上所寵信中貴人汪直年少好言兵越亦與之好因詔保國公朱末為平敵將軍由南路會榆林越為總督率師西討直自監其軍既至大同諜知敵帳在威寧河因遣勁騎二萬餘分道乘風雲薄之敵狼狽出戰遂破敵斬首四百三十七級俘獲無算捷聞越

進封威寧伯越居常喜奢華自奉若諸侯王而其御軍恤下財往來若流水籠罩豪傑不知所從入皆願為之死軍行過陝西秦王賜宴奏伎越語王下官為王吠犬久矣寧有以相酬者因盡乞其伎女歸一日大雪方坐地鑪使諸伎抱琵琶捧觴侍忽一千戶訶敵還即召入與談敵事甚晰大喜曰寒矣手金卮飲之復談則益喜命絃琵琶而侑酒即并金卮予之已又談則又喜指其伎中最姝麗者曰欲之乎以乞汝自是千戶所至皆效死力一日夜襲敵帳將至風暴

起塵翳目衆惑欲歸一老卒前曰此天贊我也去而
 風使口不覺歸而卒遇敵入掠者還而我據上游皆
 是風也越不覺下馬拜功成推卒功以為千戶以家
 近京得通于中貴人李廣後廣敗自殺言者皆首攻
 越上雖雅重越不為報而越坐憂悴者劇遂卒

斷曰

王越文臣偏長于武視師延綏以將自許斬獲占
 多論功誰阻謀賊威寧乘風襲取功成捷聞威寧
 封補師過秦王賜宴歌舞吠犬自陳乞其伎女雪

夜擁鑪麗姬環處將詞敵還命之入語語敵詳明
 飲以金縷再語得情金卮賜與語終入神麗姝乞
 汝所以士心死于為主

王瓊

王瓊字德華山西晉州人也舉進士武宗朝召拜戶
 部尚書久之改兵部瓊為人多計筭穎敏默識凡天
 下兵馬數多寡強弱及塞隧夷險福禪才否一覽悉
 記無遺武宗末饑民乘間起為盜最大者山東劉六
 河南趙鏡蜀中藍鄢江西桃源華林瑪瑙多者至二

十餘萬攻城剽府庫日益盛封事告變旁午瓊手錄指悉計合機宜敵嘗入元山西一得利踰歲乃復獵境上陽若東者瓊曰是必趨舊利奏集諸鎮兵據山西要害賊果入大敗之進少保贛州盜大起王守仁時巡撫其地請便宜從事瓊才之咸報可守仁果以次平賊寧王反報至朝中外惴惴無人色而瓊益治兵自如衆問之瓊曰吾久用王守仁在上游何謂耶寧王之反度此時已執之矣亡何果報守仁執王時都督江彬得幸瓊陰與厚結所言無不當瓊得以成

前知時務
擇交亦有益于國家

功者此也嘉靖改元言官論瓊奸狀下獄論死赦戍遼左瓊上疏自辯釋為民後敵復入陝楊一清還朝難其代詔復瓊尚書總督諸軍事瓊至修一清之政加振刷焉因逐敵去既而築靖阻敵招商實邊功配楊一清進太子太保後改吏部卒

斷曰

王瓊大才高坐堂上盜賊紛攻洶洶蕩蕩調將遣兵無一不當敵寇山西驕矜無狀奏集鎮兵伏擊敗喪報反寧王中外驚悵瓊曰無傷久已有將上

廣名... 游下攻此時已創亡何捷聞方知非妄但惜正人
往往遭謗削職復官有如風浪

馬昊

馬昊關中人也長身驍捷善騎射舉進士為御史以
罪謫真定推官至則教吏士習武多布置鈎指民家
有流劫奸盜亡命悉擒之再用前罪謫判開州吏士
伏闕上言馬昊於真定稱保節請勿謫詔許之亡何
蜀盜藍鄢叛合四省兵討之未效吏部言馬昊才因
陞蜀按察僉事佐治兵昊至閱所郡兵笑曰將不知

承平日

久故不知兵

兵若勝何因擇驍勇才力之士千人分四隊隊各立
長會賊來逼城昊夜出百騎舉砲擊賊賊營亂自相
蹈籍乃悉兵從後乘之斬首四千級軍中皆喜以為
兵起未有者昊曰此尚未見大敵胡足喜宜及勝用
之遂前逆賊敵方陣左而伏兵於右為應昊以正兵
當左而身與兵百騎直擣伏伏驚潰趨左左陣亦潰
兵合擊火其柵大破之斬騎將方四捕首敵降萬人
遷副使時賊勢尚張當事議招降賊雖請降而乞住
劄臨清市空其民昊曰臨清市蜀襟喉上達重敘下

通湖湘其地饒富沃衍胡可委敵以自困獨益治兵募召豪傑賊因不敢東未幾賊復反集衆至二十萬前後官兵俱敗績賊遂進圍中江因謀向成都吳以五千騎馳赴中江擊之賊敗走窮追之殺賊口廖麻子遂進僉都御史巡撫蜀廖麻子死餘黨尚數萬竄于東鄉山復推喻老人爲帥吳請于總督彭澤曰山險不便騎射願發步兵三萬據出入要道賊自餓死也澤如吳言賊窘果縛喻老人請降而他賊在遂寧渠縣者相繼平進副都逾歲有亦不刺自西海犯松

潘蜀大震吳招土番爲間取道夜襲之彼驚潰獲馬及衣械甚夥事聞加祿俸一級高珙筠燹人普法惡倡諸夷部立寨僭號攻劫吳率兵搗破之降者萬計獨青山寨不下吳行周視寨曰此固高絕水道可下也乃遣兵據泉口而攝南方圍待之兩日賊渴覘南圍薄夜走兵從後追捕首敵又萬人執普法惡誅之進都御史予一子錦衣百戶然吳好功名又欲討松潘夷不勝逮下獄罷免

斷曰

馬○吳○用○兵○妙○于○有○制○所○以○賊○來○斬○殺○如○意○小○勝○不○
奇○大○敵○方○異○賊○左○立○營○伏○右○以○濟○吳○偏○伏○趨○伏○未○
及○備○敗○潰○左○奔○并○左○失○勢○左○右○俱○傷○敗○走○無○地○當○
事○招○降○猶○欲○據○市○吳○不○許○之○中○江○復○吠○麻○子○尋○誅○
老○人○旋○棄○法○惡○再○萌○諸○夷○重○二○吳○直○擣○之○降○者○萬○
計○最○險○青○山○據○泉○而○斃○始○知○將○能○戰○無○不○利○

王守仁

王○守○仁○字○伯○安○餘○姚○人○也○弘○治○十○二○年○舉○進○士○正○統○
元○年○劉○瑾○亂○政○守○仁○抗○疏○劾○之○受○杖○被○謫○貴○州○龍○場○

驛○丞○瑾○敗○方○漸○起○歷○陞○至○巡○撫○南○贛○汀○漳○等○處○守○仁○

至○置○二○匣○行○臺○前○榜○曰○求○通○民○情○願○聞○已○過○當○是○時○

匣行臺亦當致之座右

寧○王○宸○濠○蓄○逆○謀○江○西○上○流○山○谿○中○劇○盜○出○肆○掠○劫○

焚○官○府○篡○獄○囚○廣○東○湖○廣○江○西○諸○撫○臣○皆○互○相○觀○望○

久○之○積○至○數○十○萬○宸○濠○又○輒○與○諸○賊○通○曲○護○手○賊○守○

仁○逆○知○有○變○仍○請○提○督○軍○務○兵○部○尚○書○王○瓊○素○奇○守○

仁○因○請○上○即○與○守○仁○兵○符○改○提○督○是○年○茶○寮○賊○大○起○

江○廣○湖○郴○騷○然○上○命○三○省○會○征○守○仁○首○誅○通○賊○監○生○

吳○讓○然○後○督○江○西○兵○自○南○康○入○破○橫○水○左○溪○巢○賊○敗○

奔復連戰奔桶岡又攻桶岡大戰西山界賊大潰盡
 殪之凡破巢八十四擒斬三千餘俘三千六百有奇
 釋其脅從千餘人歸流亡使復業度地居民開山通
 道夷其險阻洎頭尤悍黠擬官僭號益增機險守仁
 休士歸農若不復用兵者至明年先計擒賊魁遂進
 兵擊其懈連破三洎乘勝逐北滅巢二十八俘斬三
 千餘還師開縣置官司堅明約束諸賊數盡為治境
 虔吉人皆立生祠歲時以祀十四年六月宸濠反守
 仁適勘事福建道經豐城與縣令顧泌指心籲誓不

與濠俱生急馳小舸返吉安與知府伍文定謀起兵

討賊發檄召江西知府邢珣等又密遣謀四出投檄

揚言京師及湖廣廣東西南南京淮安浙江各發兵共

數十萬以疑宸濠使不敢出南昌賊疑四路兵至不

敢出遲回半月餘乃出南昌攻南康九江安慶而守

仁之兵則已大集矣即傳檄罪宸濠遣入密書與賊

心腹李士實劉養正及閔念四吳十三若有約內應

者宸濠得致書人及書遂疑士實等士實等勸宸濠

去安慶直趨南京否則徑出蕪黃趨京師宸濠不聽

疑得妙

要着

問得是

守仁遂進兵攻破南昌擒其居守宜春王拱條及宸濠子三哥四哥時宸濠正攻安慶聞而解圍回顧巢穴守仁迎戰樵舍縱火攻之大破賊擒宸濠及其子大哥宸濠既擒江彬諸奸遂導上南巡下詔親征時宸濠未死諸奸佞皆通宸濠得金錢者多在上左右頗有異謀而畏守仁不敢發惟百計欲去守仁而守仁深機曲筭自計其內戢其凶其倖外防賊徒無定瘡痍激勵將士日夜如對勁敵宸濠竟得伏誅內閣大臣素惡王瓊因忌守仁以提督軍務得專制召兵及平賊歸功

瓊久之不賞至嘉靖改元始詔錄守仁功封新建伯兼南京兵部尚書未幾丁艱去服闋竟不召讒謗益起雖封爵賜號竟不與鉄券一時勤王有功諸臣中傷廢斥殆盡嘉靖五年岑猛反兩廣聚兵討猛猛死田州而其黨盧蘇王受相結再叛益發四省兵嶺南大困因起守仁代姚謨守仁至開示恩信班師撤旅蘇受等自縛來歸守仁薄示其懲因遣歸田乃諭蘇受等朝廷宥爾宜有以報皇恩衆皆頓首願效死時八寨反側久毒嶺表守仁是以因密與蘇受約又會保靖

上兵自嶺南還。因密與領兵官約。過八寨。當與蘇受等兵相犄角。徑搗其巢。或過其前。或截其後。或張左右翼夾擊之。誅斬萬計。而入寨亦平。桂萼素忌守仁。言守仁挾詐專兵。時守仁病乞致仕。至南安卒。桂又言守仁擒宸濠。攻城紀律不臧。奏捷誇張已甚。及斥守仁學術不端。壞士習。乞削奪官爵。上憐其功。但停恤典。子不得嗣封而已。

斷曰

從來大功。扼于群小。若無機權。性命不保守。守仁高

賢。江彬大狡。同立一朝。自傷西卯。劉瑾龍場已。歷於早宸濠之功。豈容直表。上巳南巡。群奸矯矯。或曰縱之。或曰重討。若觸若違。事定顛倒。婉轉托人。始不紛擾。封伯雖遲。聲名自好。

楊銳

楊銳字進之。其先徐之。蕭縣人也。為人機警。弘治中代父官羽林。正德四年。總江西十二衛所儲運。鯨艘聯屬。比之陣法。加嚴。運無後期。凡八年。進署都指揮。僉事奉簡書守備九江。安慶諸郡。駐軍皖城。求余闕

城守事曰今日當不足憂也九年盡獲江賊于蓮花洲監司喜以事上聞銳曰江賊奚足憂所慮者豫章耳意指寧濠也又謂九江為鄱陽上流遠不可恃湖口最要害當以中左所之一旅移置戍于湖口縣之高嶺便于遠望有警可即達也因繪長江圖具事標識凡數本呈南京機務司馬重臣及臺院司防江者又請造戰艦若干艘習水戰于江上至十四年寧濠變作即告變京師先引軍設鉤距于江側（抗）禁勿泄及寇至船二百餘艘抵岸皆為鉤鉅所破繼至者以千

數銳坐城上與眾誓勦逆當得大功又告郡守張文錦俾發府庫金懸以示賞有寇緋衣者稱凌十一欲先登銳引弓中其首其子繼登又引弓貫其吭而死于是懦者皆起城上建大旗書勦逆賊以壯士氣有安慶人僉事潘鵬持黃紙衣糾擁騎至城稱後兵數十萬能以城降得不死銳語鵬曰汝死已後尚覩顏為恃言乎吾刃至矣捕鵬家一人腰斬棄城下鵬乃遁去寇為敵樓數仞向城有甲冑者出關楯外持鉤距大呼銳發矢中其左腋藥火齊發項之樓燬死者

不可計宸濠船泊南岸開不克大怒率衆分攻各首
舉木爲蔽攻甚急銳乃裂方布覆紙裹藥火千數散
置所蔽木上火發盡棄去火光周匝不絕寇無所道
寇又于北濠結木爲棧與城接挾兵而進城中大驚
銳曰事急矣乃詭以大將軍火銃實石被緋金鼓置
城上向寇寇兵望見遂大潰銳乃潛使一卒從間道
出燒棧絕且暑甚濠賊力憊夜斲睡去銳募善泅者
數人於船中聞斲聲卽斬首絕其纜放之江中又遣
一二強卒突入岸上營舉火炮城上應之乘勝捕殺

聲震數里是夜宸濠浩歎出涕舉帆順風而返捷聞
武皇下璽書褒之曰十八晝夜勞苦可嘉朕心大悅
又賜有忠勤報國并戰守奇功二榜實授都指揮僉
事充叅將仍守安慶兼湖廣地方濠旣平兵部論功
進銳爲都督僉事蔭子評爲羽林千戶安慶立生祠
以祀後以疾卒卒後囊無一錢諸子鬻衣爲葬

斷曰

楊銳羽林代父總轄儲運艤艘比之陣法運無後
期九江駐札獲賊蓮洲監司目刮銳曰無然豫章

宜○察○固○請○移○師○湖○口○鎮○壓○又○先○設○鈞○以○待○賊○發○及○
賊○來○時○盡○為○鈞○殺○射○賊○勇○施○焚○樓○威○雜○銃○石○齊○加○
碎○兵○穿○甲○敗○走○宸○濠○捷○音○上○達○賜○璽○書○褒○男○兒○志○
荅○

仇鉞

仇○鉞○江○都○人○也○世○襲○指○揮○同○知○驍○勇○敢○戰○正○德○五○年○
寘○鐸○反○鉞○陷○賊○中○京○師○訛○言○鉞○從○賊○守○備○保○勛○又○與○
賊○聯○姻○疑○為○之○外○應○李○文○正○曰○鉞○必○不○從○賊○勛○賊○故○
姻○耳○若○疑○勛○不○用○則○諸○與○賊○通○者○皆○懼○而○不○復○歸○正○

矣○因○白○上○用○勛○為○參○將○以○鉞○為○副○總○兵○討○賊○命○下○勛○
即○上○疏○言○臣○母○及○妻○子○俱○在○賊○中○臣○義○不○顧○家○恨○不○
飛○渡○黃○河○食○賊○肉○謝○朝○廷○鉞○聞○命○亦○稱○病○卧○陰○約○游○
兵○壯○士○候○保○勛○楊○英○諸○兵○至○河○上○乃○從○中○發○為○內○應○
俄○蒼○頭○書○童○沒○河○潛○入○見○鉞○言○諸○兵○已○至○河○上○列○營○

鉞○因○嗾○人○謂○賊○何○錦○宜○急○出○守○渡○口○防○决○河○灌○城○且○
遏○東○岸○勿○使○渡○河○錦○果○出○而○留○賊○周○昂○守○城○鉞○又○稱○
病○亟○昂○來○問○病○鉞○猶○堅○卧○呻○吟○言○且○夕○且○死○蒼○頭○卒○
起○捶○殺○昂○斬○首○鉞○起○披○甲○仗○劍○跨○馬○出○門○一○呼○諸○游○

大○有○經○略

用○之○意

是○用○而○示○之○以○不○

兵壯士皆至。遂奪城門。擒真鑄。充總兵。寧夏封成寧伯。食祿千石。與世秀方寘鑄之變。朝廷遣張永同楊遂庵將兵出討。遂庵謂永曰。寧夏事不足平。仇鉞在彼。不久當有捷報。至是果然。蓋鉞自列校楊公識。援以起者。其早受知于大賢如此。

斷曰

仇鉞指揮忠勇奇特。偶陷真鑄。訛言從賊。皎皎此心。一時誰白。楊李知人。反令討賊。鉞因病稱形之聲色。俟兵至河。假為畫策。恐掘灌城。賊驚出塞。嗚起奪門。反正頃刻。方知其忠。凜凜赫赫。食祿流芳。不為多得。

戚繼光

戚繼光字元敬。定遠人。幼而褻關。多權術。英風勃勃。既冠。奉父命襲世官。待次司馬門。有善相者目逆之。曰。將軍三十六。秉鉞專征。不五等則三孤矣。庚戌。口人大入。繼光條上便宜。部當其議。又有推轂者。遂進官備倭都司。尋轉浙江都司。會倭難。時作繼光。因上練兵議。其略無兵而議戰。猶人無臂而格于將。乃今

烏○合○者○不○張○徵○調○者○不○戢○吾○不○知○其○可○也○聞○義○烏○人○
其○氣○敵○愾○其○習○慄○而○自○輕○其○俗○力○本○無○他○宜○可○鼓○舞○
及○今○簡○練○一○旅○可○當○三○軍○督○府○乃○檄○繼○光○亟○募○三○千○
人○假○以○節○制○繼○光○則○以○爲○什○伍○起○于○丘○乘○兵○寓○于○農○
但○西○北○地○夷○宜○得○地○利○南○而○走○險○不○利○並○驅○乃○聞○長○
短○兵○夾○振○而○進○隊○立○一○人○爲○長○偏○則○伍○之○兩○則○什○之○
特○角○互○張○攻○距○擊○刺○互○用○名○鴛○鴦○陣○居○無○何○卒○服○習○
矣○督○府○請○補○東○叅○將○分○部○台○州○旣○而○島○夷○入○台○州○觀○
旌○旗○皆○辟○易○所○向○以○全○取○勝○其○年○江○西○告○急○督○府○檄○

繼○光○西○行○旣○捷○露○布○以○聞○軍○聲○益○振○頃○之○閩○寇○張○甚○
分○壘○爲○三○窟○一○據○橫○嶼○一○據○牛○田○其○口○長○壁○莆○東○南○
出○沒○焚○掠○因○而○塞○路○沃○野○不○耕○廣○叛○兵○乘○亂○出○入○藐○
若○無○人○繼○光○以○督○府○命○部○兵○八○千○往○自○橫○嶼○趨○牛○田○
俘○馘○立○盡○他○夷○部○繼○至○截○先○登○者○五○之○三○其○二○突○圍○
南○奔○窮○追○絕○跡○勒○功○平○遠○臺○而○還○隆○慶○初○敵○陷○石○州○
用○廷○臣○議○召○繼○光○入○策○備○邊○繼○光○因○上○書○陳○七○原○六○
夫○四○弊○大○畧○謂○兵○制○西○北○什○倍○東○南○敵○憑○積○威○劫○邊○
入○人○人○望○風○而○靡○戰○將○率○股○軍○費○參○外○家○兒○視○敵○飽○

歸尾而鵬勦掩老弱為功借曰當戰鮮不唾之且不
確○寔○之○論○
有練兵紀効一書其法

盡之矣

南請簡部將若而人分出三輔州縣再部募三千丁
壯部將將之合為四營營各五部每營立一裨將為
之連衡總攬折衝主將則專制簡練訓習一如東南
比及三年堂堂乎可格敵矣長驅出塞務令咋指而
避窮廬設有警則大舉討罪之師逐北而虛大漠然
後屯田足餉罷戍銷兵坐致富強則百世之利也部
持可否未決既而有言太阿之柄不假武人而練兵

之議寢矣既而又議築臺督府上其議許之不旬日

軍政要宜

告成功又議立車營出戰則以代城郭首分數次形
名次伎擊次步伐次偵邏次鄉導次批搗次遮擊次
追襲次俘馘軍政畢張無不以律比年東西俱謀入
犯自繼光修內備不戰而後口敵即軍正無所課功
其功上上時江陵當國上遣右司馬出行邊大閱薊
門十六萬之師畢至營伍必整旌旗大鼓必齊約束
必堅號令賞罰必信驗諸械器必精履諸關隘必周
比還報悉以狀聞因以備遼功進左都督加秩少保

及江陵。歿。人言波及少保。忌者復陰布蜚語。始移鎮南粵。未幾。敵入黑裕關。劄人願亟召還。不得。請則勒石頌功德。而尸祝之。繼光度嶺南。彊事如二鎮。踰年疾作。得謝還。以丁亥。蜡日卒。

斷曰

繼光將軍。生殊不偶。五等三孤。是其所有。推轂備倭。東南是守。因練三軍。短長互紐。南不並驅。利于險走。陣名鴛鴦。可暫可久。分守浙東。島夷時吼。觀威旌旗。辟易海口。因而誅之。獲訊獻醜。檄救江西。到卽斬首。再往牛田。俘馘不苟。敵陷石州。召光入。剖因請練兵。以爲利藪。再請車營。以爲不朽。部議持之。唯唯否否。江陵遣觀方。窺八九。少保加榮勳。名山斗。

沈希儀

沈希儀。其先臨淮人也。世襲廣州馴象衛指揮使。未弱冠。已能馳馬。手縛賊。征永安。盜誤陷淖中。騰而及于岸。三酋前趨之一鏢。一刀一弩。並發。希儀捩項。以過鏢。排右足。讓刀顧射鏢者。中決項死。因掣刀斫刀。

酋於磴間斷其頰。單又射其弩酋，竟却其追兵而還。遷都指揮僉事荔浦賊八千人，行剽歸倉卒，部五百人往扼之。蛟龍滑石兩灘相去數里，希儀曰：滑石灘狹難行，引繩乃濟。雖衆可薄也。蛟龍灘濶，衆行成列，難圖矣。吾欲奪其濶而致之狹，因伐岸竹編筏，以為綵項，刻成數百旗，插之蛟龍灘，令羸卒數十人守之。以疑賊，賊果疑而趨滑石。且半渡，伏發擊敗之。嘉靖六年，岑猛叛，督府召希儀與計，曰：歸順岑璋，猛婦翁也。助猛奈何？希儀素得土官陰事，因荅曰：璋女失寵，

而璋心恨猛，貌合耳，可使擒猛。何謂助乎？督府復曰：

猛乘上流勢，擁兵下如建瓴，邕梧危矣。希儀曰：是不

足憂。上官大率飽富貴，戀巢穴，所為叛者懼誅耳。豈

有遠志乎？督府又慮猛走交南，希儀曰：猛走交南則

閉不能歸，彼豈無慮哉？於是分五道進師。希儀將中

哨，當工堯。工堯隘而糧盡，乃潛渡江，詣左哨將乞糧。

請并兵攻工堯。左哨以分地為辭，希儀笑曰：兵糧吾

自是試君心耳。還夜分兵三百人繞出，工堯背煮餘

糧為稀糜，食士合戰，戰疾力而所遣三百人則已立

幟工堯山頂矣賊見而大驚遂逐入隘得其積粟食
軍乘勝攻田州歸順岑璋素信希儀使圖猛因遣兵
二千陽助猛又精兵千人名護女實則為間官軍得
工堯猛出走則擁入歸順左哨將知之兵壓歸順境
索猛歸順斬囚首以獻而先一日希儀已獻猛馘梟
軍門矣督府議設流官希儀曰思恩設流官反側至
今兩賊行合從且復起不見聽而田州果叛後竟復
土官田州乃平擢石江叅將石江故治柳州柳在萬
山中城外五里即賊巢前守劉璉殪于賊謂者耳目

徧官府閨闈中稍動色賊在溪洞數百里趨知希儀
至顧令熟徭恣出入嬉遊城中而求得與徭通商販
者數十人厚撫之使為詞於是賊動靜聲息往往為
我所先得所鵬勦風雨來去每出勦即肘腋親近不
得聞至期鳴號則諸軍立集聽令日出某門旗頭即
引諸軍貿貿行問旗頭旗頭不知也頃之劄營賊衆
至戰方合而伏左右起賊大敗去已而賊寇他所官
軍又已先在雖絕遠村聚賊度官軍所不至者寇之
軍又未嘗不在賊驚以為神即官軍亦不知希儀何

敵不知其所以

妙用

机密

以得之所賜勦必其劇巢縛管繩為記無妄殺於劇
巢得婦女牛畜果隣巢者悉還之惟陰助賊者還軍
立勦曰若奈何陰助賊乎於是賊驚服無敢陰助賊
嘗欲勦一巢乃佯卧病所部人問病謝不見再入問
希儀始起曰吾病思鳥獸肉若輩能從我獵乎即起
出獵去賊一二里而止營衆乃知其非獵也因攻巢
擒其尤黠猾善戰者支解之四懸城門見者股慄常
以甚雨凄風天冥冥夜察諸賊所止宿散遣人齋火
若砲衣毳帽與草同色潛巢賊中夜砲舉賊大駭曰

老沈來矣孳妻女蒲伏山頂兒啼女咷往往寒凍死
或觸崖石死妻子相怨汝作賊何利至此及明詞之
則寂無一人所散遣出他巢者亦然他巢大驚已相
聞則愈益驚陰訶之則老沈固在叅府不出也自此
賊膽落或易而為熟徭熟徭既伏希儀威信調征他
巢雖懼為仇不敢不往論者以為廣西之將前此未
有也思恩已設流官忽聞岑濬有子曰金在鎮安人
情洶洶而賓州酋楊留卑辭希儀曰留小主人在請
往希儀暗思金去賓近而留應之且為賓州憂賓州

廣名錄 卷之三 明 三

危則廣右之咽喉立梗矣乃婉言好語謂留曰金是
岑濬第九子耶我往征田時固聞之復沉吟作自語
狀曰岑氏其復乎欲以深動留已而呼留入密室要
賂為金復官留乃大信且出復呼入曰韋貴徐五今
分將思恩必仇金須善防之於是金果將五千人因
留以見門者懼走報請無納希儀罵曰金本土官子
非賊奈何不納則引入厚結之又引以詣兵備隨盡
散其五千人卒縛金而思恩復寧當是時非深計則
賓州幾失瓊南五指山熟夷本馴順畏法知府邵濬

者黷貨虐使之而黎叛兵八年不休希儀言于督府
曰法家斷獄必分首從今諸相煽從逆者如虎投非
勢不可不釋併諸夷而勦之則傷仁撫而勦之則墮
信莫若獨搗其首惡首惡平則諸異志者視魄矣是
公以生賜萬州也都御史聽之而黎平進都督同知
改貴州入銅平巢作用甚奇然秘不告人人亦莫知
也希儀膽勇機警善撫諸人為耳目者賞不失頃刻
嘗染危病所部卒至自戕于神前以禱穿手刺股痛
毒諸體者皆遍最後一人至以箭穿喉其得士如此

斷曰

沈子希儀英雄之器勇悍既殊復多智計隔陣殺首直如兒戲狹路邀誅其來若繫岑猛何強驅而就斃擢守石江柳州之地徧地賊巢耳目甚細儀偽不知任徭游憇借徭探搖轉為我利突勦如鵬不知其意凡賊所攻官兵先備賊驚為神因而失勢誰知勦誅皆有管記忽聞岑金在賓復繼賓酋楊留因請往肆佯借復官誘而相棄思恩兩平進官榮世

附 李善長

李善長濠之定遠人少有志計慷慨好功名粗持文

墨里中推為祭酒元末劇盜起汝潁間淮南北豪傑

多起應之善長心薄之不出會高帝為濠州帥以兵

畧滁陽善長被儒生服道謁上素聞其名禮之與語

取天下大計輒合通夕恐旦遂收以為掌書記而從

容謂之曰大帥與諸校不能相肺腑者皆持牘者市

權而行怨使下不得上心上不得下力以致敗也善

長頓首曰命之矣於是諸將來歸必為上布欵誠皆

○以○蒼○生○自○計○抱○負○不○小○

謂非其主豈肯失身

○認○定○真○主○何○待○微○求

○得○大○臣○休○自○

使得自安遠近日附上鎮和陽而元衆猶盛每分營

侵軼上欲出復鷄籠山寨留少兵佐善長戒曰敵至

謹自保而元謀知和陽守兵少亟來襲善長設伏兵

大敗之捷聞上大悅曰誰謂而屢屢握算此役幾令

執戈者屈之矣因謀渡江善長曰兵衆食少舟楫不

備不足以爭江左利姑俟之會巢湖將俞通海廖末

安等以舟糧來歸或疑其詐善長亟說上曰此天贊

我也機不可失上從之遂拔采石乘勝取太平善長

頂置榜諭士卒有擄掠者必斬太平甫下即懸之五

父達肅然無敢犯上為吳公而善長拜叅議與宋思

顏李夢庚郭景祥陶安等俱為省僚而軍機進止十

九取善長處分上益禮重之凡師行善長必留守轉

運兵餉無乏而將吏帖服居民安堵尋奉上為吳王

超拜善長右相國偽漢平善長請權兩淮鹽立茶法

制錢開鉄冶定魚稅諸利雖若煩悉而裁取有衷民

不以為困而國用益饒既而吳亦就平乃力請上即

帝位曰殿下提三尺劍不堦尺土而成大業比肩之

孽剗削且盡不以茲時正位號何以慰海內心上曰

○尔○元○勳○

○幼○學○

○莊○行○於○斯○乃○元

○知○已○知○彼○百○戰○百○勝○

○謀○則○有○衆○

○軍○有○紀○律○王○者○之○師○

○威○以○示○

○信○而○民○不○擾○

○足○食○致○力○令○嚴○民○安○

○裕○國○而○不○病○

○民○幸○成○帝○業○

吾居恒笑友諒甫得一隅而黃屋左纛卒以畀我我
 安得復効之令後人笑也天命果在我自有時毋庸
 汲汲平吳皆入於軍功上以善長有轉餉勞召見戟
 門封宣國公賚賜如大將軍上之初渡江頗用重典
 法有連坐三條善長固請除之既而命與劉基等悉
 加裁定律令成賞賚有差善長復僭群臣勸進凡三
 表乃許上幸汴梁命善長居守者三月一切聽便宜
 行事尋奏定三部官制及官民喪服朝臣服色俸賜
 天下嶽瀆神祇名號封建藩國功臣爵賞事無鉅細
 悉委善長謀之三年大封賞上謂善長雖鮮汗馬勞
 然給足軍食其功甚大進封韓國公特進光祿大夫
 左柱國歲祿四千石子孫世世勿絕賜鉄券身免二
 死子免一死誥詞比之蕭何云

斷曰

善長文墨目能識龍會元喪亂儒服歸從商籌大
 計對合針鋒授掌書記宣布恪恭師出室懸敵乘
 進攻用奇設伏大敗元兇整旅渡江計食緩縱巢
 湖糧歸衆慮蠶蜂亟言於上天贊我養長驅江左

榜諭士農軍政肅然輸餉足供充裕國用裁取中
庸固請正位三表乃從奏除苛法定律建封比之
蕭何爵祿萬鍾

鐵鉉

鐵鉉鄧州人洪武中由國子生授禮科給事中奏對
詳明上喜賜字鼎石屢決疑獄建文初擢山東叅政
北兵起李景隆將兵駐德州鉉督餉繼之不乏景隆
軍敗南奔鉉收潰卒保濟南北師至圍城數匝百計
攻之屹不可破城攻壞者明築之恐為所乘先以藍

布○行○且○古○未○見○未○聞○知○亦○巧○矣大幅灰紋其上如甃石狀張於外北師遠望驚以

為神遂不敢逼內得潛為繕完忽又盡轍守具出千

人城外伏地請降因懇退兵十里無驚動城中人燕

王大喜謂諸將曰得此可斷南北軍中皆呼萬歲即

下令退軍受降鉉乃暗懸鐵板城門上伏壯士圍堵

中約候入城呼千歲即下鐵板拔橋因遣人請王入

撫諭王渡橋至城下門開王將入門內群呼千歲鐵

板亟下僅傷王馬首王大驚急易馬回走至橋而橋

下伏兵已斷橋燕王急乃躍而過怒令合兵圍城鉉

下伏兵已斷橋燕王急乃躍而過怒令合兵圍城鉉

令軍士辱罵北兵大怒攻益急以礮礮城城震欲崩
○計○出○愈○奇○使○其○必○不○敢○傷○
鉉因書高皇帝神牌遍懸危處北兵見之遂不敢擊

久不能克姚廣孝曰師老矣舍之南去宋參軍說鉉
曰北兵南去北平之守單弱可襲而破也北平破北

兵回顧家室合南兵進躡之大難且夕平爾鉉曰城
守三月士卒困甚而南將皆篤材無足恃者莫若固

守濟南使江淮有備北兵不能越淮歸必道濟歸而
○歸○無○開○志○擊○之○必○敗
邀擊之全勝計也既而北兵攻東昌鉉援之大戰城

下斬燕大將張玉事聞進兵部尚書北師至宿州鉉

大破之於小河斬驍將王真中原震動燕王將北還
以諸將力諫於是決計南向再戰得大勝遂長驅渡

江鉉感憤欲自殺及文皇即位鉉猶擁殘兵駐淮南
○不○而○君○父○之○仇

規圖興復而大勢已去被執至京背立庭中正言不
○視○死○如○歸
屈令一顧不可得割其耳鼻竟不肯顧焚其肉納鉉

口中令啖之問曰甘否鉉厲聲曰忠臣義士肉有何
○千○古○不○磨
不甘遂寸磔之至死猶喃喃詈不絕口年三十七父

母海南安置子皆戮死妻女發教坊妻病死二女終
不受辱同官以聞乃赦出

斷曰

鐵公名鉉。忠粹英英。督餉不乏。收飭潰兵。嬰城自
 矢。礮燦傾橫。幅布外張。繕築完城。密誘入鼓。將次
 功成。悞中馬首。脫易躍行。進攻益急。牌懸息征。休
 養待勞。東昌捷贏。天心向有。勢失孤鳴。割藜問甘。
 忠何懼烹。芳名千古。雖死亦生。

程濟

程濟朝邑人。有奇術。以明經為岳池教諭。岳池去朝
 邑數千里。濟寢食朝邑。而治岳池學中。不廢。建文初。
○遁○中○往○往○如○是○

上書言某月日西北兵起。朝廷謂非所宜言。繫至京。
 召入見。將殺之。濟仰面大呼曰。陛下幸囚臣。至期無
 兵。臣死未晚。遂下獄。已而果兵起。赦濟為翰林編修。
 充軍師護衛將。北行徐州之捷。諸將樹碑敘戰功。及
 統軍者姓名。濟○已○有○先○見○之○明○不○為○羅○網○一夜潛往祭碑。人莫測其所以。後文
 皇過徐。見碑大怒。遽以鐵椎椎碑。再椎。遽止。曰。為我
 錄碑文來。已而按碑族之。濟名正。椎脫處。得免。濟初
 與同邑人高翔。並以明經徵。翔厲名節。濟好術。數北
 兵起。濟勸翔學其術。翔曰。吾願為忠臣也。金川門破。
○忠○則○盡○節○

翔招濟同死。濟曰：吾願為智士也。翔竟死。建文急召濟，問計。濟曰：天數已定，惟有出走免難耳。立召僧為建文落髮遁去。濟從之。每遇險，輒以術脫去。相從數十年後，隨建文帝至南京。人尚識之。至京，莫知所終。

斷曰

程濟數術莫與其匹。朝邑岳池，寢食家室。上天呈象，越職計日，震怒無稽。乞囚梏桎，不爽前言。秩優軍帥，戰捷徐州。論功擗筆，夤夜祭碑。人不知實文，皇過此日，裂背叱椎。擊錄文濟名，碎失數有安排。

免於斧鑕，願為智士。致君成佛，火燎平原。池魚遁出，數可前知。關津免詰，術以愚人。檢厄化吉，四十餘年同歸。故室建文，功臣濟為第一。

朱能

朱能字士弘，定遠人。父亮從高祖開創有功，世襲燕山中護衛千戶。早卒，能代其官。為燕王愛重，嘗從王北征，取元太尉柔兒，不花覆其軍。建文初，以王強大，見猜暗勅三司逮之。勢且迫，王欲動而猶隱其事。能因與張玉丘福直入倡言曰：大王高皇帝親嫡子，最

長而賢朝廷不察而以吳淠見疑大王即自受吾曹開國

亦安能坐待菹醢也王乃決策誘執三司而起兵靖

難從王攻薊州先登拔其城擄其將馬宣又乘勝取

遵化未平密雲諸邑東畧地抵灤河還從擊雄縣後

先登入東門破耿秉文之前鋒九千人追獲副帥楊

松潘忠遂乘勝直至真定與耿秉文大軍遇能挺丈

八矛率敢死二十餘騎瞋目大呼突入其陣所向皆

解王麾衆從之遂破其陣斬獲數萬追至滹沱河敵

尚數萬能復大呼馳而躡之遂盡潰王大喜賜書褒

獎又從援北平解其圍又追敗吳高卒二十餘萬曹

國公李景隆以五十萬衆攻北平能從王入援遇於

鄭村壩力戰敗之進攻其營又敗之又擊潰景隆兵

之攻九門者景隆懼悉鳩亡散號百萬復來攻王親

拒之以能為前鋒馳向至白溝河屢戰屢敗之盡拔

其寨柵窮追濟南復大敗之獲降萬人聞于王悉縱

歸復下滄州又進攻東昌與盛庸兵鏖戰王忽以數

千騎突出敵後襲之敵知為王悉衆圍之幾不能出

能急奮力潰圍而入復翼王潰圍而出我大軍遂進

戰夾河大敗盛庸兵又乘勝畧彰德掩水西塞又敗
 敵將李文于德州遂進克東河東平搗汶上諸塞又
 設伏敗平安之衆十餘萬轉戰至小河王師不利與
 諸將議咸氣龍誓請班師能獨奮然曰漢高帝百戰百
 不利而竟奪項王之天下今僅一不利耳而遽旋師
 何也且旆一旋可復至此耶王悟乃下令曰言北者
 斬遂縱兵深入至靈壁敵悉衆來戰能與丘福後先
 登陷陣擄平安及斬馬溥徐真等三十餘將降者數
 十萬人遂進取淮揚而定京師王卽大位論功封成

國公歲祿二千五百石賜誥命鐵券又明年安南黎
 氏弒其主且拒皇命詔并征夷將軍總兵討之上親
 餞龍江師抵廣西而能病瘴以兵屬副軍而卒上時
 已覩星象而怪之曰西南其有憂乎俄而訃聞上震
 悼輟朝三日大臣入慰上爲洒泣曰輔我成業者能
 也命百官爲治葬親爲文祭之謚武烈

斷曰

成國朱能勇冠三軍數言悟主百戰成勲獲降縱
 歸潰圍翼君餞于龍江寵握超羣

張玉

張玉河南祥符人。驍勇善戰，多智策。仕元積戰功，至

樞密院。元亡，遁于沙漠。洪武十八年，始自拔來歸。高

帝異其材，以裨校從征。後積戰功，調燕山左護衛。又

以敗敵進都，口指揮同知。遂為燕府元僚，燕王寄之

若左右手。靖難師起，玉首佐謀，盡奪北平九門。既而

議師所出，咸欲南。玉曰：「薊為肘腋，患不滅而南不安

也。」燕王然之。遂輕兵圍薊，獲薊守馬宣，又移兵取遵

化。俱有斬獲功。從王南下，耿秉文以二十萬軍真定。

衆莫測玉請單騎覘之。還曰：「秉文不能訓衆，師有敗

氣，急擊勿失。諸將猶以兵力不相當難之。玉曰：「彼衆

而囂我整，而銳胡不相當也。」燕王大悅，曰：「倚若一人

足辨矣。」遂前薄真定，果大敗其軍。又從敗吳傑軍，又

輕騎救永平。辰抵大寧，午凌其堞，斬大帥朱鑑，又還

救北平，大破曹景隆之衆。突騎往還，若風雨。復從廣

昌蔚州進圍大同，皆下之。時謀報李景隆收散卒，及

後軍未傅者，號百萬且至矣。諸將謀未定，玉復進計

曰：「兵貴神速，請急往白溝河，以逸待之，可勝也。」燕王

乘○其○未○備○得○地○之○利○戰○無○不○克○

○必○敗○
○虎○貴○三○十○貴○在○心○多○何○足○特

○師○不○以○律○料○其○

○先○發○制○人○

○無○內○顧○之○憂○

○已○識○天○命○

悅而從之。果大破景隆。追擊至濟南東昌之戰。燕王被圍。王死戰得脫。王不知王所在。突入其陣。東西衝擊。手殺數十百人。自亦中創而沒。王收兵不見。王慟哭。謂諸將曰。勝負不足計。所恨艱難之際。失我良股肱耳。追封榮國公。謚忠顯。遂以兵屬其子輔。

斷曰

驍勇張玉。燕府元僚。佐謀收薊。審敵敗囂。大破景隆。斬堅殞慘。追封榮國。青史昭昭。

楊一清

楊一清字應寧。雲南安寧人也。幼以奇童薦入翰林。憲廟命內閣選師教之。登成化進士。授中書舍人。尋擢山西提學僉事。丁憂服闋。補陝西提學副使。在任八年。大作士類。召爲太常寺少卿。轉南京太常卿。時因邊警。馬政廢弛。遷右副都御史。督珉茶。馬清出荒熟牧地十二萬八千四百七十三頃。招商自出資本。買茶裝篋。轉運茶司。每千斤價五十兩。大約計官銀萬兩。舊買不過千匹。若此可得馬幾三千匹。其利在官。與開中商茶不同。至今以爲便。警作大司馬。劉大

夏薦為陝西巡撫兼理邊務劾罷總兵武安侯及兵
 備不職者數人請釋守備楊宏使自劾裁抑鎮守中
 官支應歲省數千金繕城濬河而緣河一帶備嚴敵
 不敢渡已丑冬敵以數十萬人寧夏乘勝直抵固原
 一清率帳下五十餘人趨會總兵曹雄眾遮道爭不
 可以謂平涼一路絕無行人叅政安惟學曰公行何
 恃一清不荅去而敵聞一清至遂掣眾北走在陝未
 踰年百務具舉正德改元以邊患方熾兵權大分命
 總制全陝三邊軍馬一清以寧夏花馬池要害敵數

由以人率官屬沿邊巡視疏陳戰守之策修築垣塹

○行○之○有○常○何○患○西○北○一○隅○

以固邊防增設衛所以壯邊兵經理寧夏以安內附

又上數事忤劉瑾歸休丹徒復逮詔獄大學士李文

正救免會慶藩寘鐻叛起為總制靈州土人素苦漢

官科虐一清昔時多所釐革至是踵舊遂紛相訴訐

○除○則○澄○清○竟○則○得○衆○

一清以大亂之後但除其害而不究其人因訪求各

營衛部領之賢否而更置之又謂邊軍之困本由科

差煩重而私役買閑為弊居多屯軍地去粮存逋逃

萬數而湖地草灘半為將領所據以自封植於是各

鎮守黜役退占。又稽查軍士實數造冊在官。凡有徵調及雜差者。循次撥用。遂通行各城堡一體查處。禁革修數事。乞旌死節之家。如楊忠李睿張欽等。宜蔭其子。多與劉瑾不合。絕不少顧。又奏總兵楊英喪失之餘。士心不附。宜取回調用。復薦仇鉞保勘史鏞等。時延綏巡撫奏。敕諸鎮搜索河套散賊。一清疏謂。漢中流賊未平。調去沿邊官軍數多。邊城虛空。糧儲缺乏。而河西勁敵屢行搶攘。况河凍後。敵若入套。各鎮兵馬正當蓄鋒養銳。以俟。今乃無故出境搜索。縱得

○忠○君○不○慮○患

○以○逸○待○勞

數輩老弱殘敗。餘寇何補。于事且往回動經旬月。靡費糧草。傷損馬匹。所得不償所失。又遣書當道。極論其事。乃寢瑾素憾一清。因倉卒起用。今見警息。欲矯詔削其權。事發伏誅。踰月。召為戶部尚書。尋加太子少保。時順天應天山東河南江西盜起。疏陳切當。為上嘉納。改吏部。遂起廢拔幽。凡為逆璫構陷者。連茹以起。又陳戰守撫馭賞罰機宜。下兵部檄諸鎮施行。兵部于敵束手無策。一清遂推用大將征討。及文臣有才望者。提督軍務。又著令有能擒斬盜賊三名。願

見○小○利○則○亂○大○謀

者陞一級有都御史馬中錫總兵張偉同征專主招
 撫賊不畏憚放縱肆掠又渠魁劉七屯兵要赦廷議
 將從一清堅持曰中原百姓敢稱兵熾亂罪在不赦
 宜易增兵殄滅乃已命太監谷大用總督軍務薦侍
 郎陸完為提督授之方畧以拯溺救焚為念率西北
 勅兵半駐江北以為聲援半渡江南以備截殺一以
 壯金陵之保障一以為瓜真二壩之防又云賊出沒
 無常奔淮揚通海二州以趨山東留淮鳳之兵而山
 東自固矣未幾盜平獻捷卒如其畧加少保入內閣

熟習孫吳不能計此

行○兵○大○綱

天○下○形○勢○悉○在○掌○中

何○患○不○平

以時事多乖又因災異自劾疏入錢寧銜之遂謝政
 宸濠變起一清以林居疏薦王守仁知兵又以鎮江
 為江南首郡此地有備二吳無虞遂親閱城設險出
 粟賑軍乃調金山鎮海官兵為外援設中軍營為內
 應故城內外恃無恐武宗南征幸其第君臣宴飲賡
 歌詔幸武林一清婉諫遂不果行嘉靖四年再起總
 督三邊後因霍韜上疏毀一清上疑之遂乞歸

何○異○山○中○宰○相

三○點○三○已○無○愾○神○賢○而○已○又○能○此○際○設

險○張○軍○使○三○吳○無○恐○以○天○下○為○已○任○謂○清○為○何○如

人○耶

○時○也

致○者○為○堯○舜

斷曰

楊公一清幼具奇名恩寵獨隆群英教成文生五

彩武著九京茶馬得治荒蕪牧平敵臨數萬單騎
縱橫先聲畏走奏凱回旌修築設衛戰守皆精求
賢剔弊旌節死榮止索餘寇裕國庇生起廢拔幽
濟濟彙貞掃氛滌穢如畧蕩猩宸濠叛蓮薦賢知
兵設險預備三吳少驚武宗幸第詩酒和賡論幸
西湖婉諫尼行再起督邊朝野歡聲

俞大猷

俞大猷其先鳳陽人世為泉百戶大猷髫髻時即個
儻以豪傑自命父卒龍表官學騎射從李良學擊劔盡

其術益常山蛇勢以為兵法數起五猶一身五體雖

將百萬之衆固可使合為一人也嘉靖中會舉高等

以千戶守金門上書部使者言兵部使者呵辱之奪

官大猷笑曰此豈我自見地耶遂盡鬻其家遊京師

以書干翟侍郎鑾翟得書驚歎禮之驚一軍然終不

盡用遷廣東都司會安南叛人欽廉為寇諸司議募

陸兵大猷曰賊由海來當以海舟破之若專備于陸

賊舍此擊彼我不勝其備賊不勝其擊彼逸我勞非

計也乃多集海舟連破之未安萬寧而安南函賊首

吳慮瘡瘕

以獻矣。倭難作。大猷以南直副總兵戰賊平望。王江涇。六金壩皆連捷。而提督張經以視師趙文華言論死。大猷因之坐落職。奪祖官。既而東南之禍日亟。復大猷浙江鎮守。而大猷言防江必先防海水。兵急于陸。兵蓋倭奴長。陸戰令樓船高大。集萬銃其上。倭船遇之輒摧壓焦爛。因我兵所長也。善戰者毋以短擊長。而以長制短。且海船無他法。在知風候。齊號令。以大舟勝小。以多勝寡耳。於是用舟師戰。而舟山積歲不除之賊皆勦矣。盜王直者徽人也。以亡命入海。據

勦其兇

窮其穴而

烈港勾倭貿易為逋逃主。天子以連歲倭變皆直故責督府胡宗憲。令必得之以自効。宗憲因誘之大猷言直在海島。非以繒物誘倭來在彼國。則一逋逃夫耳。倭之來不來非關直之誅不誅也。若誘之來而殺之。則失信。且何以示後。蓋請諸宗憲不聽。誘以來天子聞得直則大喜。命誅之。于是宗憲恚失信。怏怏曰。吾為俞帥笑矣。而群倭聞殺直。焚舟殊死戰。大創入掠。閩宗憲懼。乃奏言大猷違節制不窮追。以為解。而大猷逮。詔獄戍邊。未幾饒平民張璉反。流陷江閩諸

夫意

擒賊須擒首

韓信視項羽响鉄

言不信州里何行

計于必勝而後戰

緩則固其本急則治其標

州縣詔宗憲兼督江廣合諸道兵二十萬討之而大猷遷南。○
 猷將宗憲聞璉出行劫下檄言賊棄巢出此。○
 自投死其速擊大猷前以違節制見劾得罪欲言恐。○
 禍及欲不言恐敗事已乃曰吾豈以一身之禍忘國。○
 事哉乃具言璉雖離巢出劫其妻子財寶乃在巢若。○
 我以大兵迫其巢彼必聚衆自救譬之虎方逐鹿熊。○
 據穴而搏其子虎安得不置鹿而還還而蹙之如拉。○
 朽耳且三省會擊有期又豈可以數萬之師從一夫。○
 團走哉于是以兵萬五千人疾走栢嵩嶺噉璉巢璉

○忘身治亂
○分心無闕力

○計出上乘

果歸保巢而大猷出擊俘斬者千餘乘勝潛使說璉。○
 黨執璉已意兩廣帥所奪或請訟之大猷曰賊惡其。○
 不滅豈必在已翌日班師不殺一人以示信陞副總。○
 兵加節鉞命控制江湖閩廣四道兵加祖官一級會。○
 倭陷興化大猷自懃晝夜馳赴而戚繼光浙兵尚未。○
 至時上怒督府失泉城責戰急而闔士夫又洶洶急。○
 功大猷念賊且萬人能戰入死地官軍數僅相當若。○
 迫城攻之彼實我虛彼飽我飢彼逸我勞一挫而東。○
 南之事去矣不若列營以困之彼欲攻柵以遁則彼

○靜而待動

虛我實彼勞我逸彼飢我飽而我師犄角馭之可使
無子遺且速戰勝亦可遁負亦可遁此賊之利也遲
則我兵日多賊日益困蓋敵以戰為守我以守為攻
布陣法於是星布兵營畫地鑿溝令東西通而列柵其上賊
明地利挑戰不動已竟殲賊諸將各加秩而大猷止賜金幣
防水蓋聞士夫詬病其緩已流言聞之朝矣倭三萬寇潮
州與盜吳平相犄角為廣患詔移鎮湖廣群盜畏大
猷各競出降吳平雖不能堅然亦詭殺倭自効遂與
倭人絕於是大猷請于督府吳桂芳曰陸賊以出邊
鳥

之為生路山賊以歸巢為生路今潮兵驅賊益深益深
物窮則變則益以鬪耳是死路也當大集精兵十圍五攻無使
片甲得還如兵力單若不勝不散之令得遁去則遷
曠日久而勞費無已也于是將漳兵二萬以來果破
平而御史以招平為大猷負坐免官吳桂芳抗言于
朝乃得留二源山袁千里賊據洞如蜂房水窩介三
郡六縣之間而雲溪尤固大猷曰此當誘而聚之者
也遣王鸞者盛驪從充裨將為死間賊得鸞自安而
大猷日發兵擊旁諸巢之未下者以趨之諸巢果畢

集雲溪以緩討乃陽言誅李明過雲溪巢賊出牛酒
犒兵須臾兵悉集擊破之於是賞先登酬死間而東
峒遂平桂芳上其功云董五哨十萬之全師如奔棋
着着先手剪三郡六縣之妖逆如振落次次剗平以
爲方叔元老之猷云

斷曰

大猷爲將事必先周陳師鞠旅肅殺霜秋陣法常
山文經典丘計無不中言必盡謀水滅倭氛陸俘
璉囚閩廣奠安漳泉少憂比之方叔實稱其偉

